

正寧縣志卷之三

地理志

陽曲折遇蘭佩湘氏撰

沿革

三代以上公天下以封建而治世之權分三代以下公天下以郡縣而馭世之權合郡縣猶是而廢與因革史不絕書者勢有以使之也正邑自漢唐以來迭經沿革一廢於晉再廢於後周及我國家統一中外設官分爵寓封建於郡縣而後百里金湯固於磐石加以休養生息駸駸乎復睹三代

正寧縣志

地理

沿革

一

之盛矣

禹貢雍州之域

周為北豳地公劉屬邑

秦屬北地郡

漢上郡陽周縣

晉陷於戎

東魏置泥陽惠涉二護軍屬趙興郡

西魏置顯州後周廢之

隋開皇中改羅川縣屬北地郡

唐天寶初改置真寧縣屬寧州五代宋金元因之
元末李思齊部將張天福守之

明復為真寧縣仍隸寧州萬歷二十九年叅議趙邦
清題准改隸慶陽府

國朝仍為真寧縣屬慶陽府今為正寧縣原編戶二十
一里今編七里

正寧縣志

地理

沿革

二

秦 漢三國 晉 南北朝 隋 唐 五代 宋 金 元 明

屬北地 上郡 陽泥 陽縣 陽惠 汝郡 魏置泥 屬北地 屬寧州 屬寧州 屬寧州 屬寧州 屬寧州 屬寧州

漢省 戎 屬趙興 郡 宜陽郡 魏置 顯州 西魏置 後周廢 之 泥陽縣

神宗二 十九年 改隸慶 陽府

泥陽縣 屬北地 郡

顯州 西魏置 後周廢 之 泥陽縣

正寧縣志卷之三

地理志

陽曲折遇蘭佩湘氏撰

形勢 疆域附

秦號天府之國表裏山河據天下險阻可謂壯哉
卽一邑至小或勢如建瓴或形資扼塞莫不可攻
可守藩衛中原洵昭德蓄威之所也真寧居北地
之南山高而多谷擅左出右入之勝且長城雕嶺
雄峙東偏想見古人防邊之嚴爰熟察詳審附載
方表俾官斯土者畫沙聚米而知控制捍衛之方

正寧縣志

地理

形勢

原阜環擁澗溝濼繞 府舊志

龍從橫嶺而來河自分水而下勢踞上游險阻可
恃 舊志

氣象葱蔚原隰隱鱗 宋碑

縣東西兩川約長六十餘里澗二三里不等羅水衍
其中南北疊起土岡互相掩映行至岡頂忽平原
開朗一望無際往來通車轍

縣北兩峯對峙勢若聳肩一澗中通窈然而幽豁然
而開縣治適當澗口登高視之如驪龍抱珠在卽

離吞吐間

縣南琴山東至勢欲西去忽羣峯自西逶迤百折而來至泰山一峯陡落與琴山作摩盪脫卸之狀

縣治東西二三里內山巒環列層包疊裹惟局面不甚開濶且羅水西去一往不顧少廻環旋繞之觀東行七十餘里至秦家店川勢漸狹山勢漸高再東十餘里高峯矗起林麓幽邃澗谷中時通小徑入延安界爲宵小出入門戶洵要隘也子午山一帶有秦築長城舊於雕嶺關設巡檢司一員以資彈

正寧縣志

地理

形勢

二

壓後裁廢

西行十餘里至長溝店土壁高嶄西北有往來大路望之自高崖倒垂下爲西鄉要地再十里至彭家川川勢漸小山勢漸高循羅水西去地形如葫蘆狀

南行二里有九條溝路溝深道險通涇原易爲奸匪竄伏

東北行一里爲勒馬山山徑阨絕通山河平子二鎮西北行一里爲鵬翅山山腰俯視縣治萬象在目明

時爲南北往來之衢

疆域

廣一百三十里袤一百五十里東至宜君縣界一百一十里西至寧州界三十里南至三水縣界十里北至寧州界三十五里

東界雕嶺關子午嶺劉家店西渠里橋山

西界官河鎮

寧州境

山陽頭

南界焦家山南石碑凹

北界仙陵堡陪塚在平子鎮北

正寧縣志

地理

形勢

疆域

三

東到宜君縣二百五十里西到長武縣九十里南到三水縣九十里淳化縣一百八十里同官縣三百里西南到邠州八十里東北到中部縣三百二十里西北到寧州九十里到安化二百四十里

按慶陽古北地郡唐時吐蕃犯邊宋趙元昊竊據西夏勢甚猖獗而環慶屹然北向元明以前俱設重兵守戍正邑居北地東南緊接石門關爲官軍南來首站至今臺汛遺踪絡繹相望及羌寇旣平差務稀少而真寧遂爲專簡矣明季兵燹後石門

關一帶墩臺拆毀如遇東來差務須取道寧州之
政平驛抵慶若以形勢論石門關抵西安僅三百
餘里爲北地咽喉有事則官軍自陝抵慶止六站
之遙朝發夕至捷於政平驛多矣嘗詢諸父老僉
曰此路一往康莊脩整之可通車轍明時以其直
抵銀夏故商賈經行百物踵至縣民賴以資息頗
稱饒裕今則塘汎廢弛商旅裹足不前通衢化爲
榛莽物價騰翔且數倍於前矣愚擬設塘汎以通
商賈乃屢行移商三水未有成議噫一路之通塞

正寧縣志

地理

形勢

四

豈亦有數哉

正寧縣志卷之三

地理志

陽曲折遇蘭佩湘氏撰

山川

客有登五嶽之巔窮四海之瀾而嘆天地之小退而見拳石勺水驚嘆狂走而謂大莫與京者遇以神也小邑無高山巨川顧一丘一壑士大夫或流連往復賦詩見志矧靈秀所鍾蜿蜒磅礴而忠亮耿直之士往往出於其間語云山不在高水不在深可以悟矣

正寧縣志

地理

山川

一

撫琴山 在縣南一里相傳唐元宗夢羣仙處

泰山 在縣西南一里一峯秀起蒼翠可愛

勒馬山 在縣東北一里山從東逶迤來至此陡然

一東如勒奔馬因象形以名

鵬翅山 在縣西北一里形如鵬翅故名

五掌山 在縣東北二里五峯削成其狀如掌

黎陽山 在縣西南二里與石泉温流相對 舊志

圓山 在縣東南十五里以形圓故名

雲寂山 在縣東南十五里

月巖山 在縣西南二十里

西山 在縣西二十里一名高妙山上建玉皇殿

下有羅湫古碑

羅山 在縣東二十里唐天寶間使者見一老隨

兎入穴啟之獲玉真人二十有七遂改羅川爲真
寧見方輿勝覽

石門山 在縣東南七十里

繡山 在縣東六十里相傳景忠烈被難時崩

橋山 在縣東七十里與中部縣連界黃帝墓衣

正寧縣志

地理

山川

二

冠於此見魏收志

子午嶺 在縣東九十里一名橫嶺寰宇記曰沮水

自坊州昇平縣北子午嶺出卽指此也府志曰橫

峙邠寧縣脉從此

雕嶺 在縣東九十里卽子午嶺別阜上有秦築

馳道

羅水 發源于午嶺經縣南城下西流入涇平時

涓流一線夏秋之交雨多水漲浩瀚洶湧每爲城

垣之患

溫泉 在縣西三里

小河 在縣北南流入羅水

太白湫 在縣西南六里湫注峪中設太白龍祠相傳廿年前湫水深廣禱祈必應後漸涸成涓滴乾隆二十八年四月亢旱知縣折遇蘭往禱之甘雨立降因導其淤壅泉水湧出濶一畝餘或曰龍湫之別派也

芝塘河 在縣南二十里按地本古芝川舊置塘汛故名縣景所謂支當古渡者疑卽指此但芝塘與

正寧縣志

地理

山川

三

支當字不同或沿傳之誤與今府志載支當古渡云源出橫嶺流達涇寧似支當卽指羅水矣

馬造溝 在縣西北二十里相傳馬伏波過此

龍泉 在縣東二十里舊名龍泉院古井在峭壁下泓然以深澄然以清井上古槐蔽空有檀抱槐而出狀甚竒幻

蓮花池 在縣東二十里龍泉下相傳池舊生蓮冠蓋鱗集土人苦之遂廢

新庄溝 在縣東南四十里有湫方圓數畝禱雨輒

應人比之靈湫上建龍神廟

龍門川 在縣西北四十里

要冊龍湫 在縣東六十里一名靈湫一湫泓然不涸不溢禱雨必應旁設龍神祠歷代各有封號碑版甚多按郊祀志云安定朝那有湫泉清澈不容穢污亢旱於此求雨云龍之所居今平涼府屬之涇州云有龍湫在焉蓋涇州古安定郡也而方輿勝覽云橋山之尾有水曰龍湫今橋山在縣東七十里外而此湫適當其尾豈此一龍湫彼一龍湫

正寧縣志

地理 山川

四

耶考之通鑑北地秦之郡名東漢屬安定郡安定既統慶陽叅以方輿勝覽則龍湫在正邑較爲可據雖然朝那漢之縣名屬安定郡在今平涼府城東南去涇州不遠彼所謂龍湫者非無說矣姑兩存之

聖水泉 在靈湫殿後一小井深不過數尺水清冽不染纖塵殿內一井與此同穴今涸

兩頃原溝 在縣東六十里有潭濶十餘畝每遇天陰有怪物如人形出水戲隨雷風大作水雹立降

東南一帶數被其災知縣邵必昌往祭之患漸止
按山林川澤天地自然之利而縣境六十里內一
望童阜雖有可樵之山道遠莫致十年樹木之計
顧不急哉綜計通縣地畝原阜十之四凸凹十之
五平川十之一雖有羅川芝塘之水東於夾谷難
資引灌宜乎豐歉無常而民力困憊也愚蒞任後
勸諭各鄉廣植樹木不下數萬株從此踵事而增
庶幾易易惟水利一節規畫未逮以縣之東西兩
川而論逼近羅川亦有可以勉強引灌之地核計

正寧縣志

地理

山川

五

挑濬疏洩爲費浩繁若令百姓自爲引導則設渠
之費幾數倍於地值若官爲捐給則非一手一足
之烈噫有利而不能興將何言以謝我父老

